

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 2113137251, 2113137329, 2113177927, 2113178091, 2113206715, 2113137293 որոշումներն անփոփոխ, իսկ վարչական բողոքն առանց բավարարման թողնելու մասին

<<01>> 09 2021թ. 7-13- 13390

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Կարեն Խաչատրյանի ՄԴ/72381-21 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Կարեն Խաչատրյանը (ծանուցման հասցե՝ ք.Երևան, Չայկովսկի 15/3) դիմումով խնդրել է վերանայել և բեկանել Ճանապարհային ոստիկանության վարչական տույժ նշանակելու մասին թիվ 2113137251, 2113137329, 2113177927, 2113178091, 2113206715, 2113137293 որոշումները՝ նշելով, որ իրավախախտումները կատարվել են նույն վայրում:

Դիմումի քննարկման արդյունքում պարզվել է, որ վարչական տույժ նշանակելու մասին թիվ 2113137251, 2113137329, 2113177927, 2113178091, 2113206715, 2113137293 որոշումները ենթակա է կատարման՝ հետևյալ պատճառաբանությամբ.

<<Տեսանկարահանող և լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը, որը պարունակում է նաև տեխնիկական միջոցով արձանագրված տվյալները: Ըստ նույն հոդվածի 2-րդ մասի՝ որպես իրավախախտումը հիմնավորող ապացույց վարչական կամ դատական կարգով բողոքարկման վարույթում կարող են օգտագործվել Վարչական իրավախախտումների վերաբերյալ Հայաստանի Հանրապետության օրենսգրքի 251-րդ հոդվածով նախատեսված ապացույցները:

<< կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>>28.06.2007թ. թիվ 955-Ն որոշման Հավելված N 1-ի Ձև N 1-ի համաձայն՝ 4.1.4՝ <<Երթևեկությունն ուղիղ կամ դեպի աջ>> թելադրող նշանը թույլատրում է երթևեկել միայն նշանի վրա սլաքներով թույլ տրված ուղղություններով: Ձախ շրջադարձ թույլատրող նշանները թույլատրում են նաև հետադարձը:

Ճանապարհային ոստիկանության վարչական տույժ նշանակելու մասին թիվ 2113137251, 2113137329, 2113177927, 2113178091, 2113206715 որոշումների հիմքում դրված տեսանյութերը փաստում են, որ համապատասխանաբար 14.07.2021թ. ժամը 10:57-ին, ժամը 11:18-ին, 21.07.2021թ. ժամը 10:51-ին, ժամը 11:10-ին, 26.07.2021թ. ժամը 10:51-ին դիմումատուին պատկանող տրանսպորտային միջոցի վարորդը Երևան քաղաքի Դեղատան – Մ.Մկրտչյան փողոցների խաչմերուկի հատվածում՝ 4.1.4 «Երթևեկությունն ուղիղ կամ դեպի աջ» ճանապարհային նշանի տեղակայման վայրում կատարել է հետադարձեր, հետևաբար թույլ է

տվել Վարչական իրավախախտումների վերաբերյալ ՀՀ օրենսգրքի 124-րդ հոդվածի 1-ին մասով նախատեսված արարք:

Ճանապարհային ոստիկանության վարչական տույժ նշանակելու մասին թիվ 2113137329 որոշման հիմքում դրված տեսանյութը փաստում է, որ 14.07.2021թ. ժամը 11:18-ին, դիմումատուին պատկանող տրանսպորտային միջոցի վարորդը Երևան քաղաքի Դեղատան – Մ.Մկրտչյան փողոցների խաչմերուկի հատվածում՝ 4.1.4 «Երթևեկությունն ուղիղ կամ դեպի աջ» ճանապարհային նշանի տեղակայման վայրում կատարել է հետադարձ, հետևաբար թույլ է տվել Վարչական իրավախախտումների վերաբերյալ ՀՀ օրենսգրքի 124-րդ հոդվածի 1-ին մասով նախատեսված արարք:

Ճանապարհային ոստիկանության վարչական տույժ նշանակելու մասին թիվ 2113177927 որոշման հիմքում դրված տեսանյութը փաստում է, որ 21.07.2021թ. ժամը 10:51-ին, դիմումատուին պատկանող տրանսպորտային միջոցի վարորդը Երևան քաղաքի Դեղատան – Մ.Մկրտչյան փողոցների խաչմերուկի հատվածում՝ 4.1.4 «Երթևեկությունն ուղիղ կամ դեպի աջ» ճանապարհային նշանի տեղակայման վայրում կատարել է հետադարձ, հետևաբար թույլ է տվել Վարչական իրավախախտումների վերաբերյալ ՀՀ օրենսգրքի 124-րդ հոդվածի 1-ին մասով նախատեսված արարք:

Ճանապարհային ոստիկանության վարչական տույժ նշանակելու մասին թիվ 2113178091 որոշման հիմքում դրված տեսանյութը փաստում է, որ 21.07.2021թ. ժամը 11:10-ին, դիմումատուին պատկանող տրանսպորտային միջոցի վարորդը Երևան քաղաքի Դեղատան – Մ.Մկրտչյան փողոցների խաչմերուկի հատվածում՝ 4.1.4 «Երթևեկությունն ուղիղ կամ դեպի աջ» ճանապարհային նշանի տեղակայման վայրում կատարել է հետադարձ, հետևաբար թույլ է տվել Վարչական իրավախախտումների վերաբերյալ ՀՀ օրենսգրքի 124-րդ հոդվածի 1-ին մասով նախատեսված արարք:

Ճանապարհային ոստիկանության վարչական տույժ նշանակելու մասին թիվ 2113206715 որոշման հիմքում դրված տեսանյութը փաստում է, որ 26.07.2021թ. ժամը 10:51-ին, դիմումատուին պատկանող տրանսպորտային միջոցի վարորդը Երևան քաղաքի Դեղատան – Մ.Մկրտչյան փողոցների խաչմերուկի հատվածում՝ 4.1.4 «Երթևեկությունն ուղիղ կամ դեպի աջ» ճանապարհային նշանի տեղակայման վայրում կատարել է հետադարձ, հետևաբար թույլ է տվել Վարչական իրավախախտումների վերաբերյալ ՀՀ օրենսգրքի 124-րդ հոդվածի 1-ին մասով նախատեսված արարք:

Վարչական իրավախախտումների վերաբերյալ ՀՀ օրենսգրքի 124-րդ հոդվածի 1-ին մասի համաձայն՝ տրանսպորտային միջոցների վարորդների կողմից ճանապարհային նշանների կամ ճանապարհային գծանշումների պահանջները չկատարելը՝ առաջացնում է տուգանքի նշանակում՝ սահմանված նվազագույն աշխատավարձի հնգապատիկի չափով:

Վարչական իրավախախտումների վերաբերյալ ՀՀ օրենսգրքի 124-րդ հոդվածի 36-րդ մասի համաձայն՝ ճանապարհային նշանների պահանջները չկատարելու համար սույն հոդվածի 1-ին մասով նախատեսված վարչական իրավախախտումն ունի նվազ նշանակություն այն դեպքում, երբ իրավախախտումն անխուսափելիորեն կատարվել է երթևեկության այլ մասնակցի գործողության կամ անգործության պատճառով:

ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> 28.06.2007թ.. թիվ 955-Ն որոշման 49-րդ կետի համաձայն՝ հետընթացն արգելվում է խաչմերուկներում, մերձակա տարածքից ճանապարհ դուրս գալիս և կանոնների 50-րդ կետում թվարկված տեղերում:

Վարչական իրավախախտումների վերաբերյալ ՀՀ օրենսգրքի 124-րդ հոդվածի 38-րդ մասի համաձայն՝ սույն հոդվածի 5-րդ, 7-րդ, 9-րդ, 12-րդ, 13-րդ, 19-րդ կամ 30-րդ մասերով նախատեսված վարչական իրավախախտումն ունի նվազ նշանակություն **այն դեպքում, երբ**

դրա հետևանքով երթևեկության մյուս մասնակիցների համար խոչընդոտ կամ վթարային իրադրություն առաջացնելու ակնհայտ վտանգ չի ստեղծվել, ինչպես նաև այն դեպքում, երբ իրավախախտումն անխուսափելիորեն կատարվել է երթևեկության այլ մասնակցի գործողության կամ անգործության պատճառով:

Ճանապարհային ոստիկանության վարչական տույժ նշանակելու մասին թիվ 2113137293 որոշմամբ իրավախախտումն ամրագրած տեսանյութը փաստում է, որ դիմումատուին պատկանող տրանսպորտային միջոցը 14.07.2021թ-ին, ժամը՝ 11:12-ին Երևան քաղաքի Դեղատան – Մ.Մկրտչյան փողոցների խաչմերուկի հատվածում հետընթաց է կատարել խաչմերուկում՝ խոչընդոտելով երթևեկության մասնակիցներին, հետևաբար դիմումատուի արարքում առկա են Վարչական իրավախախտումների վերաբերյալ ՀՀ օրենսգրքի 124-րդ հոդվածի 9-րդ մասի հատկանիշները:

Վարչական իրավախախտումների վերաբերյալ ՀՀ օրենսգրքի 124-րդ հոդվածի 9-րդ մասի համաձայն՝ տրանսպորտային միջոցների վարորդների կողմից երթևեկությունն սկսելու կամ մանևր կատարելու, ինչպես նաև հետընթաց վարման կանոնները խախտելը՝ առաջացնում է տուգանքի նշանակում՝ սահմանված նվազագույն աշխատավարձի հնգապատիկի չափով, տուգանային միավորի կիրառում՝ 1 միավոր:

Հարկ է նշել, որ <<Վարչական իրավախախտումների վերաբերյալ>> ՀՀ օրենսգրքի 35-րդ հոդվածի համաձայն՝ մեկ անձի կողմից երկու կամ ավելի վարչական իրավախախտումներ կատարելու դեպքում վարչական տույժը նշանակվում է յուրաքանչյուր իրավախախտման համար առանձին-առանձին:

Վարչական իրավախախտումների վերաբերյալ ՀՀ օրենսգրքի 299-րդ հոդվածի համաձայն՝ նույն անձի նկատմամբ վարչական տույժեր նշանակելու մասին մի քանի որոշումներ կայացվելու դեպքում յուրաքանչյուր որոշում ի կատար է ածվում առանձին-առանձին:

ՀՀ Սահմանադրության 6-րդ հոդվածի 1-ին մասի համաձայն՝ պետական և տեղական ինքնակառավարման մարմիններն ու պաշտոնատար անձինք իրավասու են կատարելու միայն այնպիսի գործողություններ, որոնց համար լիազորված են Սահմանադրությամբ կամ օրենքներով:

Այսպիսով, հիմնավորվել է, որ վերը նշված որոշումներն իրավաչափ են և օրինական:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 2113137251, 2113137329, 2113177927, 2113178091, 2113206715, 2113137293 որոշումները թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Կարեն Խաչատրյանին:



Ե. Կարապետյան